



# Պարույր Սևակ

## Հիվանդություն

Եռում է ջուրը.

Ասես թոքերի բորբոքում ունի մինչևիսկ սա էլ:

Իսկ բուժո՞ղն ով է,

Եթե հիվանդ ես հիմա և ինքրդ,

Ու քեզ բուժում են

Նաև թեյ կոչված նո՛յն եռման ջրով,

Որ նմանապես

Թոքերի ուժեղ բորբոքում ունի...

Հիվանդ հայացքըդ

Մութ մատախտոլի վեհ վերելակով

Թագավորաբար լեռն է բարձրանում,

Ինչպես երևի բարձրացել են գահ...

Տենդոտ հայացքըդ

Հիմա հաժում է դիմացի ձորում,

Որտեղ պառկած են այլազան քարեր՝

Բրածոյացած նախնիների պես...

Թեպետ իրար հետ վաղուց եք ծանոթ,

Թեպետ ծանոթ է պապերի՛դ անգամ,

Բայց քրտնած գլխով տված բարևիդ

Չի՛ պատասխանում:

Դուրս տված բերնով ճամփած ժպիտիդ

Չի պատասխանում նո՛ւյնպես:  
Իսկ ինչո՞ւ:  
Որովհետև իր անունը... Ժայռ է,  
Ինքն էլ երբևէ  
Ոչ միայն կյանքում չի հիվանդանում,  
Այլև... անմահ է...  
Աստվա՛ծ իրեն հետ:  
Դու թե՛յրդ խմիր:  
Սառե՞լ է:  
Տեսա՞ր. ջրի թորերի բորբորումն անցավ:  
Կանցնի և քո՛նր:  
Հապա եկ փորձենք. տաքություն չունե՞ս:  
...Ջերմաստիճանի որոշման համար  
Ձեռքը դնում են մարդու ճակատին:  
Այդ շարժումի մեջ չկա՞ խոր իմաստ  
Եվ խորհուրդ խորին,- ո՛վ ի՞նչ է կարծում:  
Իսկ աշխարհումըս բանտեր քի՞չ կային,  
Որ ստեղծեցին նաև այս մե՛կը՝  
Այս ջերմաչա՛փը:  
Եվ ի՞նչ հանցանք է գործել սնդիկը,  
Որ տառապում է մենախցի մեջ...  
Բայց գոնե լավ է,  
Որ սնդիկային այդ մենախուցը  
Լայն է ավելի, քան մարդկայինը:  
Լա՞յն է, թե՞ երկար,- միևնույնը չէ՞:  
Իսկ շատ չես խոսո՞ւմ.  
Չէ՞ որ հիվանդը  
Այսքան խոսելու իրավունք չունի:  
...Կլոնե՛մ:  
Կուզես՝ կքնե՛մ անգամ,

Միայն թե... ջարդե՛նք այս ջերմաչափը:

Թվում է, թե իմ հիվանդությունը

Ո՛չ թե իմ մեջ է,

Այլ սրա՛, սրա՛

Այս ջերմաչափի՛:

Ուրեմըն ջարդե՛նք այս ջերմաչափը,

Եթե ես մեղք եմ՝ սնդիկն առավել...

9.11.1965թ.

Չանախչի